



**TUŽIOCI ZATRAŽILI OD SUDA BiH MJERE
ZADRŽAVANJA UHAPŠENIH U AKCIJI "DAMASK"**

Odlučuju o pritvoru za pet vehabija

M. LINGO-DEMIROVIĆ

SARAJEVO - Sud BiH trebalo je sinoć kasno da donese odluku da li će biti određen jednomjesečni pritvor za pet osoba uhapšenih u akciji "Damask", sprovedenoj protekle sedmice, kazali su u Sudu BiH.

Potvrdili su da je ročište u toku, te da bi odluka mogla biti donesena u večernjim satima.

Do zaključenja ovog broja "Nezavisnih" odluka Suda još nije bila poznata.

Tužilaštvo BiH je još u subotu uputio Sudu BiH prijedlog za određivanje mjere pritvora za osumnjičene za kaznena djela terorizma. Predložen je pritvor za Huseina Bilala Bosnića, Avdulaha Hasanovića, Enesa Mešića, Emi-

na Hodžića i Adema Karamuju.

"Mjera pritvora, između ostalog, predložena je zbog opasnosti od bjekstva osumnjičenih, među kojima ima i osumnjičenih koji su na duže periode napuštali BiH i ilegalno odlazili na područje Sirije, te opasnosti da bi boravkom na slobodi mogli ometati istragu, prikrivati dokaze, vršiti utjecaj na svjedoke i saučesnike, kao i opasnosti da bi na slobodi mogli poči-

niti novo krivično djelo ili završiti započeto", navodi se u saopštenju.

Za preostalu četvoricu osumnjičenih Tužilaštvo BiH je zatražilo mjere zabrane, koje će uključivati tzv. kućni pritvor, odnosno zabranu napuštanja boravišta, zabranu sastajanja sa svjedocima i osumnjičenima, te nasumičnu policijsku kontrolu prisutnosti na adresi.

"U slučaju bilo kakvih kršenja ovih mjera, za ove osobe će također biti zatražen pritvor. Istraga se nastavlja prema svim osobama koje su bile tretirane u okviru akcije "Damask", rečeno je u Tužilaštvu.

Preostalih pet uhapšenih nakon kriminalističke obrade u Agenciji za istrage i zaštitu (SIPA) pušteno je na slobodu.

TERORIZAM
Prijedlog za
određivanje
mjere pritvora
osumnjičenima
odnosi se na
terorizam